

ՅԱԻԵԼՈՒԱԹ

[Չեկուցազրիս առիթով մի քննադատական նամակ եմ  
ստացել իմ կուսակցական ընկեր ու անձնական քարեկամ  
NN-ից, որին եւ պատասխանել եմ երկարօրէն:

Աւելորդ չը համարեցի ներկայացնել ընթերցողին — մի  
քանի կրճատումներով — նաեւ այդ իմ նամակ-պատասխանը,  
քանի որ սա նոյն հիմնական մտքերի զարգացումն է, լրացումը  
ու լուսաբանութիւնը: — Յ. Բաջ.:

## Սիրելի NN

Ստացայ Յունիս 2 թւակերդ:

Միփթորական է ինչ համար, որ դու — ինչպէս գրում ես —  
չես հետեւել ուրիշների օրինակին ու իմ շեկուցմանը չես տւել ad  
hominem մեկնութիւններ:

Գլխի եմ ընկնում, թէ որոնք են այդ մեկնութիւնները...

Ո՛վ գիտէ, դուք եւ իրաւացի են մեկնաբանողները. չէ՞ որ homo  
sum et humani nihil... մնացածը գիտես (չատ էլ վստահ չեմ իմ  
լատիներէնի վրայ):

Դու ինքդ մաւականացել ես նրանով միայն, որ կասկածել ես իմ  
մտաւոր առողջութեան մասին:

Գուցէ դու էլ իրաւունք ունես, ինչպէս կ'անէր այդպիսի դէպքում  
Նասրէդդին Զօրան. մեր ապրումներից յետոյ ո՛վ յանդգնութիւն կ'ունե-  
նայ պարծենալու, թէ պահել է անխախտ իր մտքի կատարեալ հաւա-  
սարակչութիւնը:

Բայց՝ մարդական սնանկութիւն թէ մտքի տկարութիւն — մի՞թէ  
արգումենտներ են սրանք իմ թէզերի դէմ:

Կրում ես, թէ իմ «գամբանականը» կազմած է «այնպիսի  
խնամքով ու այնքան տրամաբանական հիմնաւորումներով»...

Գիտես ինչն է պատճառը:

Այն, որ «պարսպ վախտի խաղալիք» չի եղել իմ շեկուցումը,  
«ВЗГЛЯД И МЫСЛЬ»-ը որ այդ երկար գրութեան մէջ չկայ մի միտք, որ  
տասն անգամ վերաքննած չը լինեմ ու չկայ մի խօսք, որ տասն անգամ  
կշռած չը լինեմ գրելուց առաջ:

Համաձայնիր որ ինչպէս ասում էր խորիմաստ Պօլմիուսը Համ-

լէտի մասին՝ եթէ սա խելագարութիւն է, յամենայն դեպս այստեղ կայ ինչ որ սխտեմ...

Իբրևուրք չունէի սպասելու, որ իմ «տրամաբանական հիմնադրումների» հակադրեն նոյնպէս տրամաբանական կամ՝ առհասարակ՝ ո՛ր եւ է կարգի հիմնադրումները եւ ո՛չ սոսկ գուշակութիւններ իմ բարոյական ու մտաւոր վիճակի մասին:

Բայց դու գրում ես, որ «Խորհրդաժողովում ոչ որ չը փորձեց գնահատութեան ենթարկել» իմ տեսակէտները:

Ինչո՞ւ:

Ես մի քիչ աւելի լաւ կարծիք ունեմ իմ ընկերների մասին, քան նրանք՝ իմ մասին եւ չեմ ուզում ենթադրել ոչ թուլութիւններ ձև *hominem*, ոչ իսկ մտային վատառողջութիւն. բայց կարծում եմ որ շատ էլ հեռու չեմ լինի ճշմարտութիւնից, եթէ մտածեմ իմ ժողովի անդամները տարած են եղել կուսակցական նեղսրտութիւնով ու նեղ-մտութիւնով:

Անհամատեղութիւն մի համարի, եթէ ասեմ, որ ինքս ազատ եմ այդ կարգի թուլութիւններից:

Ես կուսակցական մարդ չեմ (յառի նեղ իմաստով) ու երբեք էլ չեմ եղել. եւ այդ է պատճառը, որ այնքան տարի մեկուսի եմ մնացել կուսակցութեան մէջ: Պարզապէս մի հայ մարդ եմ եղել եւ, հայ հայրենասէր... Ահա մի վարկաբեկած բառ, որ ենթարկած է եղել այնքան անարգանքի, այնքան ծաղրանքի: Բայց ճշմարտութիւնն այն է, որ այդ է իմ ետեմութիւնը: Ես սիրում եմ հայ-հայրենիքն ու հայ-ժողովուրդը — այդ ազգատ, աւեր, անհամոզյու, դաժան երկիրն ու այդ տղէտ, կեղտոտ, ծածկամիտ, եսամեղ ու շահասէր ժողովուրդը: Սիրում եմ ոչ թէ առաքինութիւնների համար, այլ իր յոյսը արատներով ու ակտերով հանդերձ:

*C'est plus fort que moi, կ'ասէր Փրանսիացին*

Սիրում եմ, որովհետեւ ինքս նրա անբաժին մասն եմ զգում ինձ — ոսկրը ոսկրից ու արիւնը արիւնից — կապել եմ իմ անձնական յաղթը նրա հաւաքական յաղթի հետ:

Եիչո՞ւմ ես մի խօսակցութիւն, որ ունեցանք զու ու ես մեր երկար ճամբին:

դու ասիր, որ քո կապակցութիւնը հայ ժողովրդի հետ զուտ ուղեղային է, որ գիտակցութիւնն է ու պարտաճանաչութիւնը, որ լծել են քեզ՝ նախ կուսակցական, ապա եւ պետական աշխատանքին: Իսկ ես՝ գրան հակառակ ասի, որ իմ կապը օրգանական է:

Ձը գիտեմ, իմ դու ո՞րքան ճիշտ ես վերլուծել քո հոգին. բայց իմ վերաբերմամբ՝ ճիշտ է իմ ասածը:

Հայ մարդն է, որ խօսում է իմ մէջ — ահա ստիպող բացատրութիւնը իմ մտքի ուղղութեան. ուրիշ գաղտնիք միք որոնի, կը սխալւէր: Հայ մարդն է, որ դատում է իմ մէջ, կըլուծւում, համեմատում ու ընտրութիւն անում:

Կուսակցութիւնը ինձ համար արժէք է ունեցել այնչափ միայն, որչափ ընդունակ է եղել վարելու մի որոշ դատ — ոչ աւելին: Ինքն ըստ ինքեան՝ իմ պաշտամունքի առարկայ չի եղել կուսակցութիւնը: Ես միշտ այն համոզմունքն եմ ունեցել, որ շարժումն է հիմնադրւած մարդու համար եւ ոչ մարդը՝ ստեղծւած շարժման համար:

Հատ *banal* խօսք է ասածս ու ոչ որ հակառակը չի ասի, ի հարկէ: Չի ասի, այո՛. բայց արդե՞ք չի անի (անպիտակցօրէն ու ակամայից):

Այնքան էլ հեշտ բան չէ՝ ազատ մնալ կուսակցական կաշկանդումներից: Երկարամեայ կուսակցական կեանքը կաղապարում է մարդու հոգին կուսակցական կաղապարով, մարդ կուսակցօրէն է մտնում, կուսակցօրէն ըմբռնում ու կուսակցօրէն լուծում յոյսը խնդիրները:

Աւելին եւս. կուսակցութիւնը՝ սոսկ միջոց լինելու փոխարէն՝ դառնում է կամաց-կամաց ինքնանպաստակ, դատը ստորագրւում է իրան ծառայելու կողմն օրգանին ու կուսակցական գործունէութիւնը դառնում է կուսակցականի համար մի տեսակ փէշակ (ներքի այս կողմի արտայայտութիւնը, ուրիշ բառ չեմ գտնում):

Եիչում եմ մի խօսակցութիւն, որ տարիներ առաջ ունեցել եմ լուսահոգի Ռոստոմի հետ: Պարսկական յեղափոխութեան սկիզբներումն էր խօսում է ինք մեր մասնակցութեան մասին այդ յեղափոխութեան մէջ: Եւ պնդում էր, որ Պարսկաստանում դաշնակցութիւնը բուն շունի անելու եւ որ մեր հրապարակ գալը այնտեղ՝ պարզ աւանտիրա է...

— Լաւ, վրայ բերեց յանկարծ Ռոստոմը, Ռուսաստանում յեղա-  
փոխութիւնը խեղդած է, Տաճկաստանում համաձայնութեան ենք  
եկել իմ թի հատականների հետ, Պարսկաստանումն էլ՝ ասում ես չը  
պիտի խառնենք կռիւներին... Հապա մենք ի՞նչ անենք:

Հարցը դրեց կատակի ձեւով, իրան յատուկ անուշ ժպիտը երե-  
սին: Բայց դու հասկանում ես, որ այդ կատակի տակ թաքնած էր մի  
խոր հոգեմանական իմաստ եւ որ Ռոստոմը — գերազանցօրէն կուսակ-  
ցական մարդ — իր հոգու անթափանցելի խողբերում իրօք ունէր այդ  
անհանգստացուցիչ հարցը:

Անհատապէս ինձ համար այդպիսի երբեք գոյութիւն չի ունեցել  
ու այսօր էլ չունի: Հռովմը ինձ համար շատ աւելի թանգ է, քան  
Աեսարը — աւելի ճիշդը՝ Աեսարը թանգ է այնչափ միայն, որչափ նա  
պէտք է Հռովմին:

Երբ ես տեսնում եմ, որ տեսալ պայմանների մէջ Հայաստանն ու  
Հայ ժողովուրդը պէտք ունեն թղթախիկներնորին, ես ասում եմ առանց  
տատանումների, տեղ տանք թղթախիկներին, այսօր նրանց է պատկանում  
իրաւունքը, որովհետեւ նրանք միայն կարող են փրկել գրութիւնը:

Խորհրդաժողովը չի ուղեցել նոյն իսկ քննութեան առնել այս  
առաջարկը:

Ինչո՞ւ:

Որովհետեւ, սիրելի NN, ժողովականները — ամէն մէկը սուան-  
ձին, լռելեայն ու թերեւս անգիտակցօրէն — հարց են տեսել հոգիների  
խողբերում. հապա մենք ի՞նչ անենք...:

Այդ զահրումար «մենք» է, որ ըստ իմ կաշկանդել է խորհրդ-  
դաժողովի միտքը:

Եւ ովքեր ենք «մենք» — այսինքն նրանք, որոնք իրօք տարել են  
անցեալում կուսակցական կեանքով եւ այժմ իրօք բան չեն ունենայ  
անելու...:

Վերջի հաշին, մի քանի տասնեակ, առ առաւելն՝ մի քանի հա-  
րիւրակ մարդ:

. . . . .  
. . . . .

Ինչո՞ւ համար եմ գրում այս նամակը:

Եթէ իմ դիպանօզը ճիշտ է, ապա ուրեմն ոչ մի կոչ, ոչ մի դա-  
տողութիւն չեն կարող յաղթել ինքնագոյութիւնը պաշտպանելու  
անխորտակելի բնազդին: Ես չեմ կարող համոզել քեզ, քանի որ  
այստեղ համոզումները չեն որ բաղխել են իրար, այլ մի ուրիշ, աւելի  
զօրեղ բան:

Եւ համոզելու համար չէ, որ գրում եմ, այլ պարզապէս ուղում  
եմ, որ ճիշտ հասկացած լինես ինձ:

Ի հարկէ, կարելի է հարցնել դարձեալ, թէ ո՞ւմ կամ ինչի՞ համար  
հարկաւոր է, որ դու ինձ ճիշտ հասկացած լինես եւ ի՞նչ վնաս, եթէ  
սխալ մեկնութիւններ տւած լինես ղեկուցագրիս... Ահա այս դեպքում  
տեղին կը լինէր յիշել ad hominem շարժառիթները. այն խիստ-ընկե-  
րական ու խիստ-քարեկամական կապերը, որ կապում են ինձ քեզ հետ,  
բացատրելու պահանջ են առաջադրում: Իմ այս գրութիւնը նոյնքան  
«աննպատակ» է, ոլքան եւ քո Յունիս 2 ի նամակը. նպատակ չկայ,  
կայ միայն որոշ հոգեկան պահանջ...:

Գուցէ եւ մի ուրիշ բան. գրելով քեզ, ես այն դրացումն ունեմ,  
որ կարծես դիմում եմ՝ քո գլխի վրայով՝ մի բազմամարդ լսարանի, որ  
կարիք ունի լուսարանութիւնների:

—

Նորից եմ կարդում նամակդ:

Հասկանում եմ, որ մի նամակի մէջ չէիր կարող սուաւել այն  
բոլոր խնդիրները, որ ես շօշափել եմ իմ ընդարձակ ղեկուցագրի մէջ:  
Հասկանում եմ նաեւ, որ զրածդ քիչն էլ չէիր կարող պատճառաբանել  
հանգամանօրէն:

Բայց չէ որ զլխաւորը, էականը ասել ես արդէն, գործի ես  
դրել ամենից զօրաւոր արգումներտացիադ իմ հիմնական թէզի դէմ...:

Եւ ահա մտածում եմ տարակուսած. մի՞թէ այս մարդը չի՞ տես-  
նում, թէ որքան խախուտ, որքան թոյլ ու անհամոզեցուցիչ են իր  
արդումներները:

—

Գուհ Զամաձայն չես ինձ հետ, թե Է. Յ. Գաշնակցու թիւնը "որոշ քաղաքական վիճակ ստեղծելու համար ծնւած մի կադմակերպութիւն է եւ ոչ հեռաւոր սօցիալական ձգտումների տէր կուսակցութիւնը"։ Բայց կանգնելով նոյն իսկ իմ տեսակետի վրայ՝ հարց ես տալիս ինձ. ի՞նչ հիմքեր ունեւմ պնդելու, թե Գաշնակցութիւնը վերջացրել է արդէն իր միասին. չէ՞ որ Հայաստան այսօր էլ անկախ պետութիւն չէ։

Հարցը ցոյց է տալիս, որ հարկաւոր ուշադրութեամբ չես լսել զեկուցում կամ ես չեմ կարողացել լրիւ արտայայտուել։ Բո հարցը ես դրել եմ ու պատմումն էլ տւել (ճիշտ է, որ ղեկուցադիրս խորհրդածողովում ընթերցանելի անելու համար հարկադրւած եմ եղել առ հասարակ կարճ կտրել, սեղմ արտայայտուել)։

Ասեմ նորից։

Գաշնակցութիւնը սպառն է իր անելիքը ոչ այն մտքով, որ հասել է արդէն նպատակին, իրականացրել է իրան ծնունդ տուող իդէալը (իդէալը, ինչպէս եւ մատեմատիկական "սահմանը" փոփոխական մեծութիւնների համար, միշտ մնում է առաջը. նրան կարելի է մօտենալ, բայց երբեք՝ հասնել), այլ այն մտքով, որ Գաշնակցութիւնը անցել է մի որոշ ճամբայ, բերել է իր կեանքի դատը մինչև մի որոշ կայան, որից դէնը ինքը այլևս անզօր է առաջնորդելու։

Թոյլ տուր մի պատկերաւոր լուսաբանութիւն։

Ոստանի լեռներից ու Վարպի բարձունքներից մենք իջել ենք Արարատեան դաշտը։ Մենք անցել ենք այնպիսի ճամբաներ, ուր կարող էր մագլցել միայն լեռնեցու "վճռը շիկը"։ անցել ենք հայդուկային փոքրիկ խմբերով, գիշերային խորհրդաւոր մթնոթիւնի մեջ, թայնսկիւղ ձիւների մէջ ու ժայռերի տակ. նահատակել ենք այդ գաւթան ճամբու վրայ, նահատակել ենք մեզ հետ եւ հայ ժողովուրդը, բայց միշտ առաջ ենք գնացել, սերմանելով մեր շուրջը ալտարութեան կենսաբան ferment-ը։

Արիւնքամ եւ ուժասուրբ, բայց վերջապէս իջել ենք լայն դաշտը ու նոր հորիզոններ ենք տեսել մեր առջև։

Արարատեան դաշտը — առաջի մեծ կայանն է մեր երկար ճամբու վրայ։

Բայց այստեղ թաղաւում ենք նոր կարգի ոյժերի հետ եւ սույն քարի սրայինները միանգամայն տարբեր են այստեղ։

Հետեւակի "վճռը շիկը" հայդուկների "խումբը" եւ մեր տղաների "տասնոցը" անզօր են այնտեղ, ուր բանում է երկաթուղին, շարժում են բանակներ ու խօսում է արագածիգ թնդանօթը։ Ուրիշ է ՕՍՏԱՆՈՎՔԱ-ն, ուրիշ է մասշտաբը, ուրիշ պիտի լինեն եւ կուրի մեթոդները։

Մի կարծիր, թե մենք — իբրեւ կուսակցութիւն — կարող ենք յարմարել նոր պայմաններին ու փոխել հին մեթոդները, Պետութիւն վարելու մեր երկու եւ կէս տարւայ փորձը ցոյց տւեց, թե որքան կաշկանդւած ենք անցեալով եւ որքան անզօր ենք մեր իսկ դէմ։ Երեսուն տարւայ կուսակցական կեանքը դրել է մեր վրայ իր անընդլի դրոշմը, հաստատել է աւանդներու սովորութիւններ, մտածելու ու գործելու եղանակներ, որոնցից մենք չենք կարող ազատուել։

Իսկ ամենից գլխաւորն այն է, որ այսօր մենք զործ ունենք Սորհրդային Ռուսաստանի հետ։ Սա ամենամեծ ու վճռական ոյժն է՝ մեր հանդէպ կամ մեր կողքին։

Անցեալում մենք մի բոպէ միամտութիւն ունեցանք կարծելու, թե կարող ենք աղատագրւել ռուսական հեգեմոնիայից ու յենարան գտնել Արեւմուտքում։ Այսօր այդպիսի յոյսերով տարւելու իրաւունք չունենք այլևս։ Մեր միակ յենարանն այսօր՝ խորհրդային Ռուսաստանն է։ Կուրի նրա դէմ չենք կարող ու եթէ կարողանայինք էլ՝ չէ պիտի կուրենք, որովհետեւ նա պէտք է մեզ, — պէտք է ոչ իբրեւ սօցիալական կամ պետական բեւեմ (հոմոնիմիւղ ու դասակարգային դիկտատուրա) այլ իբրեւ քաղաքական ոյժ։

Հայաստան պիտի դաշնակցի Սորհրդային Ռուսաստանի հետ, ուրիշ եւք չունի այլևս։

Իսկ դու ղիտես, որ մեր կուսակցութիւնը չի կարող դաշնակցել բոլշեւիկեան իշխանութեան հետ — թեկուզ այն մի հատիկ պատճառով, որ բոլշեւիկները չեն ուղում ճանաչել մեզ, իսկ մենք կարողութիւն չունենք ճնշում գործ դնելու նրանց վրայ — ճանաչել տալու մեր արժէքը, որոնք տալու մեր բարեկամութիւնը։

Հայ բոլշեւիկներն են, որ պիտի դաշնակցեն Ռուսաստանի հետ, իսկ Է. Յ. Գաշնակցութիւնը պէտք չէ այլևս Հայաստանին։

Ահա թե ինչ մտքով մեր կուսակցութիւնը վերջացրել է իր միասին, անելիք չունի այլևս ու վերջ պիտի դնի իր գոյութեան։

Ծիծաղելի է թւում քեզ իմ այն խօսքը, թէ հայ բոլորեցիները մեր ժառանգներն են (անշուշտ, իրանք բոլորեցիները էլ աւելի կը ծիծաղէին, եթէ լսէին այդ խօսքը)։

Իսկ ինձ — չեմ ասում՝ ծիծաղեցնում է, այլ զբամացնում է ձեր երկուսի անհասկացողութիւնը, որովհետեւ մի պարզ ճշմարտութիւն է իմ ասածը։

— Հրաժարիմք ի սատանայէ, բացականչում է դաշնակցականը, լսելով բոլորեցիի անունը։

— Հրաժարիմք ի սատանայէ, բացականչում է բոլորեցիը, լսելով դաշնակցականի անունը։

Յճր բացականչութիւններ, ընկերներ հրաժարել չէք կարող, դա ձեր ցանկութեան կամ ընտրութեան խնդիր չէ։

Դաշնակցութիւնը վարել է հայ քաղաքական դատը ու լերել է քաղաքականապէս ազատագրուող հայ ժողովուրդը, հասցրել մինչև մի որոշ տեղ, այստեղ իրան փոխարինելու է մինչև հետեւեալ կայանը՝ հայ բոլորեցի։

Այս է պատմութեան ընթացքը։

Հասկացիր ինձ, դաշնակցական կազմակերպութիւնն է, որ դատապարտւած է մահան (աւելի ճիշտը՝ մեռած է արդէն)։ Բայց զործը մնում է կենդանի։

Ասում ես՝ Հայաստան անկախ չէ։

Ի հարկէ, անկախ չէ։ Բայց համեմատիք (անկախութեան տեսակետից) իրերի այսօրայ զրուծիւնը նախատերադմական զրուծեան հետ եւ տես, թէ ինչ մեծ թուիչք է կատարւած։

Յիշէ՛ր, թէ պատերազմի նախօրեակին ինչ ոգեւորութիւնով ողջունում էինք Նւրուպական «կոմսոլեօրներ» հաստատելու ծրագիրը թուրքահայ վիլայէթների մէջ եւ թէ ինչպէս երազում էինք զեմսուլայական ինքնավարութիւններ ստանալ Անդրկովկասեան Հայաստանի համար... Բայց չէ՞ որ Մեհանդեանի կամ Լուկաշինի կառավարութիւնը մի քիչ աւելի է, քան եւրոպացիների վերհսկողութիւնը թուրքահայ վիլայէթների վրայ կամ զեմսուլայական հաստատութիւնները Անդրկովկասում։

Տարբեր խնդիր է, թէ այդ «աւելին» չի համապատասխանում մեր կորուստների ու զոհարարութիւնների չափին։ Դրա մասին մենք պիտի մտածէինք 1914 թւին, երբ կազմում էինք կամաւորական խմբեր, աւելի առաջ — երբ հիմնադրում էինք դաշնակցութիւնը։ Էլ աւելի առաջ — երբ ոգեւորում էինք Բաֆֆիի վէպերով ու Գամար-Քատիպայի «ազատ երգերով»...

Անկախ չէ Հայաստան, այո՛. բայց մի շատ մեծ քայլ է արել դեպի անկախութիւն եւ հետեւեալ քայլը անելու համար պետք է ամբացնել արդէն նւաճած դիրքերը։

Այդ ամբացումը կատարելու է (ու կատարում է) բոլորեցիեան դրօշակի տակ — ահա թէ ինչու հայ բոլորեցիները մեր ժառանգներն են։

Եւ չեմ ճանաչում հայ բոլորեցիներին, չունեմ անձնական ծանօթութիւններ, հեռուից էլ հնարաւորութիւն չունեմ հետեւելու նրանց գործունէութեանը, չեմ գիտեմ իշխող մտայնութիւնը։ Արտիս խորքում մի յամառ հուսատ ունեմ, թէ նրանք էլ ինձ պէս ու իմ չափ հայ մարդիկ են... Կոմիտեիդը՝ ինքն ըստ ինքեան՝ արդէն չէ հայերէն զգալու ու հայերէն մտածելու համար, Չէ՞ որ ես էլ հաւատացեալ կոմիտեիստ եմ, դաւանում եմ կրօնապաշտի անտարանը, բայց այդ աւատարմը ոչ միայն չի արգելում ինձ հայ լինել, այլ եւ նոր ու դօրեղ հիմնաւորումներ է տալիս իմ ազգային անհատականութիւնը հաստատելու համար։ Կիտեմ, որ իմ դաւանած կոմիտեիդը՝ բոլորեցիների պետական կոմիտեիդը չէ եւ որ բոլորեցիները հաճոյքով կարում են ինձ նման արատաւոր կոմիտեիստների դրուխը։ Բայց սա կապ չունի նրանց «հայ» լինելու աստիճանի հետ։ Պակաս «ուս» մարդիկ են ուս բոլորեցիները։ Ոչ միայն «պակաս» չեն, այլ իսկական ուս մարդիկ են, ուս ազգային հոգեբանութիւնով լեցուն ու ուս ազգային իդեալներով տարած։

Բայց թող որ ես սխալւած լինեմ հայ բոլորեցիների մտայնութեան մասին, թող որ նրանց հոգում միանգամայն խորթ լինի հայ ժողովուրդի քաղաքական անկախութիւնը հայրենի հողի վրայ — նրանք այնուամենայնիւ շարունակելու են մեր գործը, կամայ-ակամայ ամբարջնելու են մեր գրաւած դիրքերը, նեցուկ են դառնալու յետագայ նւաճումներին համար։

Դա նրանք անելու են (ու արդէն անում են), նոյն իսկ հակա-

ուակ իրանց ցանկութեան (ենթագրելով, թէ իրօք հակառակ ցանկութիւն ունին)...

Ազդում ես մի խօսք էլ ասեմ, որպէս զի վերջնականապէս համոզեա, որ ես խելառել եմ: Ահա այդ խօսքը. հայ թօլշեւիկները — դաշնակցականներ են, միակ դաշնակցականները այսօր, ասելի դաշնակցական, քան դու եւ ես:

Որովհետեւ այնտեղ, ուր ես ու դու անդօր ենք այլ եւս, նրանք փոխարինել են մեզ ու կատարում են մեր կեանքի գործը:

Անկախ չէ Հայաստան...

Բայց միթէ մեր երբ եւ իցէ կարծել ենք, թէ կարող ենք կազմել իսկապէս անկախ պետութիւն: Միթէ չը գիտե՞մք նոյն իսկ մեր ոգեւորութեան ու արեւմտեան գաղափրական տիրոջ՝ որ անկախ չենք կարող լինել, որ անխուսափելիօրէն «կախած» պիտի լինենք մեկից...

Ի հարկէ, պիտե՞նք եւ այդ պիտակցութեան հետեւանքով էր, որ պետութիւն կազմելու առաջին իսկ օրից այնքան որոնեցինք մի «մանգատէօր»:

Հարցը նրանումն էր միայն, թէ ո՞ր աստիճանի կախած պիտի լինենք եւ ումից:

Հարցը լուծեց յօգուտ Ռուսաստանի եւ Հայաստանի պետական անկախութիւնը սահմանափակեց Մոսկուայի շատ ակտիւ վերհսկողութիւնով: Գուցէ մեզ համար գերադասելի էր Ամիրիկան... Բայց պատմութիւնն ունի իր լօգիկան, որ մենք անկարող ենք փոխել. ամենաշատը, որ կարող ենք անել (ու պէտք է անենք) — դա այն է, որ համախառնանք, հաշի առնենք ու օգտագործենք կարելիին:

Խորհրդային Հանրապետութիւնը — անկախութեան այն maximum է, որին ընդունակ է Հայաստան այսօրուայ պայմանների մէջ:

Եւ սա քիչ բան չէ:

Յամենայն դէպս, այսօր Հայաստանի ներկան ու ապագան սպասելու է շատ ակտիւ, քան էր 1920 թ. Ղոյնմիւսիսին, երբ մեր նստած էինք Երևանում եւ ինքներս էինք վարում պետութիւնը:

Յիշի՛ր այն օրերը:

Յիշի՛ր, որ օրհասական ժամին, երբ մենք սպառել էինք արդէն մեր վերջի ոյժերը, թօլշեւիկները ասպարեղ իջան, խորտակեցին մեզ, բայց երկրին պաշտպան կանգնեցին:

Սա իրողութիւն է:

Իրողութիւն է եւ այն, որ այսօր չկայ ոչ մի ոյժ, որ կարողանար փոխարինել Հայաստանում թօլշեւիկներին: Բօլշեւիկները պէտք են Հայաստանին:

—

Որքան հասկանում եմ, դու եւս չես հիւրըմբ սյս շատ պարզ ճշմարտութիւնը. բայց պահանջներ ունես, որոնք չեն մաւարարած եւ ահա այստեղ է, որ հակադրում ես թօլշեւիկներին Լ. Յ. Դաշնակցութիւնը:

Ո՞ր է «միացեալ» Հայաստանը, հարցնում ես դու. ունե՞նք թօլշեւիկները այդ պահանջը իրանց դրօշակի վրայ:

Չունեն:

Իսկ մենք, որ շարունակում ենք կրկնել այդ պահանջը մեր կուսակցական որոշումների մէջ — ի՞նչ հեռանկարներ ունենք առջեւներս: Քաղաքական լուրջ պահանջ է դա, թէ մի անբովանդակ ֆօրմով, որ կրկնում ենք միայն մեզ միմիմարելու, մեր սիրտը հովացնելու համար: Ի՞նչ իրական բովանդակութիւն ունի այդ պահանջը այսօր, 1923 թ. Եւրոպական Յունիսին, ընտանջած թուրքահայութեան ու յաղթական Թիւրքիայի հանդէպ:

Ո՞ր «երկու» Հայաստաններն են, որ պիտի միացեն:

Գործերը մի քիչ զգաստ լինել — չէ՞ որ պետական մարդու առաջին պարտականութիւնն է դա:

«Երկրորդ» Հայաստանը դրողութիւն չունի այլեւս:

Սոսկալի է այս խօսքը. բայց խօսքը չարտասանելով կարելի է փոխել իրականութիւնը:

Սերի դաշնագիրը ստորագրելու շրջանում մենք դեռ ունեւինք որոշ յոյսեր. կարող ենք ասել նոյնը այսօր: Ո՞վ պիտի լլլի Թիւրքիայի ձեռից հայկական վլլայեթները, ուր մի հատիկ հայ չի մնացել այլեւս: Ո՞վ պիտի դուրս քշի այնտեղից թուրքական բանակը ու քրդական աշխրամները: Ո՞վ պիտի հաւաքի աշխարհի չորս կողմը ցրած թրքահայութեան բեկորները, բերի տուն, չէնացնի աւերած երկիրը, սպրեւր. ու աշխատելու հնարաւորութիւն տայ: Ո՞վ պիտի պաշտ-

պանի երկարաձիգ սահմանները ու արգելի թուրքերին ներս խուժելու երկիր...

Այդ բարդ ու շատ դժար գործողութիւնները կատարելու համար ո՞վ պիտի մատակարարի Հայաստանին քաղաքական օգնութիւն, ռազմական ոյժ ու վազօժներով ոսկի:

Բօլշեւիկները «միացեալի» պահանջ չեն դնում...

Այո՛, իսկ Հ. Յ. Դաշնակցութիւնը կարող է լրացնել Բօլշեւիկների այդ պահանջը: Ո՞ւմ եւ ի՞նչ ոյժի վրայ յենած պիտի կատարի նա այդ հսկայական աշխատանքը — դրսի ոյժի, հարկաւ, որովհետեւ ներսում թուրքն է նստած:

Կրկնում եմ, 1919—1920 թւականներին մենք դեռ կարող էինք տարւել խաբուսիկ յոյսերով. յայտ այսօր, երբ մի ողորմելի Homeն անգամ չը գտաւ պաշտպանութիւն — իրաւունք ունեւոր կոչը ու խուլ մնալու իրականութեան առջեւ:

Ասում եմ, որ պայմանները կարող են փոխուել ու Թիւրքիայի անդամահատման խնդիրը կարող է նորից դրւել գիւտնադիտական սեղանի վրայ...

Մօտիկ ապագայի համար այդպիսի հաւանականութիւն ես չեմ նախատեսում (դու նոյնպէս): Աւելի հեռաւոր ապագայում անկարելի չէ եւ այդ, Բայց ինչո՞ւ չը ենթադրել միաժամանակ, թէ փոփոխուած քաղաքական պայմանների մէջ Բօլշեւիկներն էլ կը փոխեն իրանց այսօրւայ ընթացքը ու կը պահանջեն ոչ միայն «միացեալ», այլ նաեւ «ծովից-ծով» Հայաստան:

Եթէ Օսմանեան կայսրութեան կազմալուծումը պատմական պրօցես է, չէ՞ որ նոյնքան պատմական պրօցես է նաեւ ռուսների առաջխաղացումը դէպի տաք ծովերը:

Այդպիսի ենթադրութիւններով չէ, որ պիտի ղեկավարւի մի քաղաքական կուսակցութիւն, այլ իրական կացութիւնով:

Իսկ իրականութիւնը այն է, որ «միացեալ Հայաստանը» — մի անբովանդակ խօսք է, ուրիշ ոչինչ:

Այսօր կարելի է խօսել ոչ թէ երկու Հայաստանները միացնելու, այլ միայն Հանրապետութեան սահմանները մի քիչ լայնացնելու մասին — թէկուզ մինչեւ 1914 թւականի գիծը: Եւ այս խնդիրը թերեւս կարողանայ լուծել Խորհրդային կառավարութիւնը, յենած

Ռուսաստանի վրայ, յայց ոչ Հ. Յ. Դաշնակցութիւնը, յենած... չը գիտեմ ո՞ւմ վրայ (արդեօք հայասէր պատուիրակներն ու փիլիսոփայութեան դժբախտներն վրայ):



Լսել եմ ու գիտեմ՝ հետեւեալ առարկութիւնները.

Թուրքերը վախենում են Ռուսաստանից եւ քանի որ Հայաստան ռուսական օրրիդի մէջ է, երբեք չեն զիջի գրաւած դիրքերը — օրինակ՝ չեն դատարկի Ղարսը, որովհետեւ սա անհրաժեշտ է իրանց սեփական ապահովութեան համար: Իսկ եթէ Հայաստան կտրւի Ռուսաստանից (այսինքն, ներկայ Խորհրդային իշխանութիւնը տեղի տայ մի ուրիշ իշխանութեան — ասենք՝ մեզ, դաշնակցականներին), Թիւրքիան ապահոված կը գրայ իրան ու աւելի զիջող կը լինի սահմանային վեճերում, կը համաձայնի վերադարձնել մեզ ոչ միայն Ղարսն ու Սուրմուլին, այլ գուցէ աւելացնի վրան նաեւ Բասէնն ու Ալաշկերտը...

Այնչէ՛ է քաղաքական կուսակցութեան այսպիսի **МАНИЛОВЩИНА** թէ՛ թուրքերը վախ ունեն Ռուսաստանից, նախատեսում են ընդհարումներ ապագայում (գուցէ եւ ոչ հեռաւոր) ու ամէն կերպ կ'աշխատեն ամուր պահել իրանց սահմանները (օրինակ՝ պահել իրանց ձեռքում Ղարսը) — դրա վրայ ես չեմ կասկածում: Ի՞նչ աւելի չեմ կասկածում, որ Ռուսաստանից անջատուած Հայաստանը ոչ մի երկիւղ չի ներշնչի Թիւրքիային:

Բայց — հարցնում եմ — ինչո՞ւ համար թուրքերը հողին ղիջումներ պիտի անեն այդ անվտանգ Հայաստանին:

Ե՛րբ եւ որ պետութիւնը այդպիսի մեծահոգութիւն է ցոյց տւել իր թոյլ հարեւանի հանդէպ, որ մենք իրաւունք ունենայինք թուրքերից սպասել այդ Ինչո՞ւ համար, ինչից ստիպւած կամ ինչից դրդւած թուրքը պիտի վերադարձնի մեզ Ղարսը: Աւելի հաւանական չէ, որ երբ իր դեմը չունենայ այլ եւս ռուսական բանակը, ձգտի միանալու Հայաստանի վրայով՝ աղդակից ու կրօնակից Ալորբէյնանի հետ, այսինքն՝ ձգտի նոր նւաճումների եւ ոչ ղիջումների...

Մեր սահմանների ընդլայնացման խնդիրը կարելի է լուծել միմիայն Ռուսաստանի վրայ յենած, որովհետեւ միակ Ռուսաստանը կարող է ստիպել թուրքերին ետ քաշւել եւ սա միակ գործնական միջոցն է



Հողեր գրաւելու համար. մնացածը միամտութիւն է կամ ինքնախորհու-  
թիւն: Այսինքն՝ այստեղ եւս եթէ կայ որ եւ է յոյս — դարձեալ բոլ-  
շեւիկների վրայ է եւ Հ. Յ. Գաշնակցութիւնը լիարժեք չունի անելու:

Բոլշեւիկների, ասում եմ, որովհետեւ խօսքս այսօրւայ մասին է  
եւ ոչ անյայտ ո. անորոշ ապագայի մասին:

Իսկ դու մասնաւորապէս շեշտում ես այդ անյայտ ու անորոշ  
ապագայի վրայ ու այդտեղ կենդանացնում՝ քո արդարեւնաւորապէս  
ծանրութիւնը:

Ներկայ դրութիւնը կարող է փոխուել, ասում ես դու: Բուսները  
կարող են թողնել մի օր Հայաստան ու տուն վերադառնալ՝ իրանց սե-  
փական գործերը կարգաւորելու՝ ինչպէս արին 18 թուականին: Կարող  
են նորից թողնել մեզ երես առ երես թուրքերի դէմ ու նորից հարկա-  
դրել մի ընդհանուր լեզու գտնելու նրանց հետ... եւ ահա այդ օրւայ  
համար է, ասում ես, որ Գաշնակցութիւնը պետք է պահի իր գոյու-  
թիւնը:

Ե՞րբ է դալու այդ օրը եւ դալու է արդեօք երբ եւ իցէ: Այդ մենք  
չք գիտենք — ոչ ես, ոչ դու: Գիտենք միայն, որ այսօր — այդ օրը չէ:  
Հարցնում եմ քեզ. կարո՞ղ է մի քաղաքական կուսակցութիւն  
պահել իր գոյութիւնը մի անյայտ ապագայի համար, երբ ներկայում  
լիարժեք չունի անելու... չէ՞ որ այսօրւայ անգործունէութիւնը արդէն սպան-  
նելու է իրան. առանց գործի ի՞նչ գոյութիւն:

Յետո՞յ ո՞վ քեզ ասաւ, թէ քո նախատեսած դեպքում Հ. Յ.  
Գաշնակցութիւնն է փրկելու Հայաստան:

Երեւակայիր, թէ օրը եկել է արդէն. բուսներ չկան, թուրքերը  
տէր են դրութեան, անհրաժեշտ է հասկացողութեան գալ նրանց հետ,  
սնունդի կապել: Ասում էս ես, որ մենք՝ իրրեւ կուսակցութիւն՝ ձեռնահաս  
դերակատարներ ենք այդ դերի համար:

Ի՞նչ նկատումներով թուրքերի աչքում մենք հաճելի կամ ըն-  
դունելի բանախօսներ պիտի լինենք:

Որովհետեւ խռով ենք եղել բոլշեւիկների հետ... իսկ չէ՞ որ  
մենք խռով ենք եղել այն ժամանակ, երբ իրանք թուրքերը լիարեւոյն  
են եղել բոլշեւիկներին, վարել են նրանց հետ ընդհանուր քաղաքա-  
կանութիւն: Մենք ըմբոստացել ենք բոլշեւիկների դէմ, երբ նրանք  
դաշն են կապել թուրքերի հետ Բրեստ-Լիտովսկում եւ այդ դաշնը

քանդելու համար պատերազմել ենք մենք: Չէ՞ որ հակառակ ենք եղել  
բոլշեւիկներին ու թէ թուրքերին սիրելու. պատճառով, այլ որովհետեւ  
թուրքերին ու բոլշեւիկներին հակառակ բանակում ենք եղել, Անտանտի  
հետ: Չէ՞ որ մենք ենք եղել, որ պահանջել ենք Թուրքիայից «Ծովից-  
ծով» Հայաստան — եւ Կիլիկիա, եւ Խարսիրդ, եւ Սփաղ, եւ Տրա-  
պիզոն: Չէ՞ որ մենք ենք եղել, որ ստորագրել ենք Սեբրի դաշնագիրը —  
մի դաշնագիր, որ գալիս էր կտրելու թուրքերի գլուխը: Չէ՞ որ մենք ենք  
եղել, որ կոչ ենք արել Եւրոպային ու Ամերիկային՝ բանակներ բերել  
Թուրքիա ու հաստատել մեր իշխանութիւնը այն երկիրներում, որ  
թուրքերը անվճարելի կտանք նրանց: Եւ համարում եմ, որ մենք  
ենք եղել, որ մեր գոյութեան ամբողջ ընթացքում անընդհատ կուսել  
ենք թուրքերի դէմ...

Ի՞նչ վստահութիւն կարող ենք մենք ներշնչել թուրքերին, ինչու  
նրանք աւելի պիտի սիրեն բանակցել մեզ հետ, քան որ եւ է ուրիշի հետ:  
Բերեւս հաշի առնելով մեր ոյժը...

Բայց թուրքերը տեսան արդէն այդ ոյժը իր դադարեցում —  
այն ժամանակ, երբ մենք մեր երկրի տէրն էինք — եւ կարծում եմ  
պատկառելու առանձին պատճառներ չունեն:

Եթէ մենք ուրիշ ոչ մի մտահոգութիւն չունենայինք, բայց թուր-  
քերի հետ հասկացողութեան գալու անհրաժեշտութիւնը — այդ մէկը  
բանական էր արդէն, որ ասէինք թէ Գաշնակցութիւնը պիտի վերանայ  
ասպարէզից: Երբ ինքը Թուրքիան հարկադրեցաւ հրաժարուել Գեր-  
մանիայից ու համաձայնութեան եզր որոնել Անտանտի հետ, նա ամենից  
առաջ կալմալուծեց իթիհատը:

Բնականօրէն կը հարցնես. բոլշեւիկները չկան, Գաշնակցութիւնը  
չկայ. հապա ո՞վ պիտի խօսի թուրքերի հետ...

Դա տարրեր խնդիր է, որին կը վերադառնամ ու թերեւս կարո-  
ղանամ բաւարար պատասխան տալ: Առ այժմ կարեւոր է միայն հաս-  
տատուել, որ՝ յամենայն դեպս՝ Գաշնակցութիւնը չէ՞ որ պիտի խօսի թուր-  
քերի հետ:

Կենսակցութիւն միւս հարեւանների, վրացիների ու աղբյուրան-  
ցիների հետ...

Ասում են, որ այդ կենսակցութեան խնդիրը լուծելու համար հարկաւոր է դաշնակցութեան գոյութիւնը:

Բայց, սիրելի NN, դու մոռանում ես, որ այդ կենսակցութիւնը կայ արդէն Անդրկովկասեան պետութիւնների մէջ — ոչ միայն իսաղաղ կենսակցութիւն, այլ նոյն իսկ շատ սերտ դաշնակցութիւն:

Ի՛սասես, որ Մոսկուայի վախն է, որ պահում է ներկայ modusը...

Թո՛ղ այդպէս լինի: Փաստն այն է, որ հայ, թաթար ու վրացի բոլորեւեմները յաջողեցրին այն, ինչ չը կարողացանք անել մենք, դաշնակցականներս, մենչեւեմներն ու մուսաւաթականները:

Համաձայնի, որ դրութիւնը Անդրկովկասում՝ դրացիական համակենսակցութեան տեսակէտից՝ այսօր շատ աւելի լաւ է (կամ շատ պակաս վատ), քան էր մեր ժամանակի Մարդիկ այլեւս չեն մորթոտում իրար, չեն աւերում գիւղերն ու քաղաքները, չեն մնում օր-գիշեր դէնքի տակ. մարդիկ ազատօրէն գնում — գալիս են, անցնում են սահմանները, առեւտուր են անում, գուցէ եւ քէֆի են նստում իրար հետ...

Ինչո՞ւ այդպիսի վիճակ չկարողացանք ստեղծել մենք: Չէ՛նք ուղում, չէ՛նք հասկանում անհրաժեշտութիւնը, Հասկանում է՛նք, ուզում է՛նք ու շատ էլ լաւատեսիք — անկեղծօրէն աշխատեցինք — յայց յաջողութիւն չունեցանք:

Ինչո՞ւ չկարողացանք եւ քիչ երաշխիք, թէ ապագայում աւելի շնորհալի կը լինենք, քան է՛նք անցեալում:

Կան վէճեր, որ մենք՝ անդրկովկասցիներս՝ փոխադարձ համաձայնութեամբ, առանց դրսի միջամտութեան, չենք կարողացել ու այսօր էլ չենք կարողանում լուծել (յիշէ՛ր մեր արտասահմանեան բանակցութիւնները...):

Արաստան ուղում է ապահովեցնել իր գերիշխող դիրքը Անդրկովկասում, ձգտում է ամբողջացնել իր «պատմական» կողմն սահմանները, չի ուզում հրաժարուել ոչ միայն Ախալքալաքից ու Արդահանից, այլ նաեւ Լոսիից — դեռ փամբակի վրայ էլ աչք ունի: Աղբյուրէջանը բնականօրէն ուղում է մերձստալ, կապել Թիւրքիայի հետ. տնտեսական ու քաղաքական շփոթումներով չի կարող հրաժարուիլ հայկական Վարդապետի, իսկ սոցիալիստականներով՝ Շարուր, Նախիչևանից: Հայաստան, որ ամենից համեստն է (որովհետեւ ամենից թոյլն է), այնու ամենայնիւ պիտի ապահովի մի minimum minimorum՝ իր

պետական գոյութիւնը կարելի անելու համար. նա չի կարող պարփակել երեք ու կէս դաւառի մէջ (Երեւան, Նոր-Բայազէթ, Էջմիածին ու Շիրակի կէտը). եթէ հրաժարուի Ախալքալաքից յօգուտ վրացիներին, Լոսին այնու ամենայնիւ պիտի պահանջի իրան. եթէ հրաժարուի Լեռնային Ղարաբաղից յօգուտ Ազրբէյջանի, Շարուրն ու Նախիչևանը այնու ամենայնիւ պիտի պահանջի իրան. եթէ յօգուտ յաղթական Թիւրքիային հրաժարուի Ղարաբաղ, այնու ամենայնիւ չի կարող հրաժարուել Սուրմալուից ու Կաղզուանից... Յետոյ՝ Հայաստան եւք չունի դէպի լոյս աշխարհ. Եւրոպայի հետ նա պիտի հաղորդակցի Արաստանի վրայով, ուրեմն Արաստան պիտի տայ նրան եթէ ոչ տերրիտորիալ եւք, գոնէ լրջօրէն ապահոված տրանզիտ:

Բայց ոչ Թիւրքիան, ոչ Արաստանը, ոչ Ազրբէյջանը չեն համաձայնում բաւարարել հայերին՝ նոյն իսկ այդ minimal չափերով:

Ի՛նչ երաշխիք, որ եթէ վաղը հաւաքենք մի կանուխ սեղանի շուրջ մենք, դաշնակցականներս, անգորացիների, վրացի մենչեւեմների ու թաթար մուսաւաթականների հետ — աւելի զիջող ու խոհեմ կը լինենք, քան է՛նք 1918ին, 19ին, 20ին ու մինչեւ այսօր էլ — նոյն իսկ այստեղ, արտասահմանում, որ միայն պարսպ, լուս տեսական զոյցներ կարող ենք անել...

Ցաւալի ու անթմալի է, յայց փաստն այն է, որ մենք դեռ չենք հասունացած մեր վէճերը ինքներս հարձակու համար, որ դեռ եւս հարկաւոր է մի դրսի ոյժ, մի արտաքին հեղինակութիւն՝ Անդրկովկասում միջազգային խաղաղութիւն ապահովելու համար:

Այսօր այդ արտաքին ոյժը՝ Նորհրդային Մոսկուան է: Մի բան շահած կը լինե՛նք մենք, հայերս, եթէ Մոսկուային փոխարինէ Անգորան:

Եւ հասկանում եմ վրացի մենչեւեմներին, աւելի եւս հասկանում եմ ազրբէյջանցի մուսաւաթականներին, երբ նրանք պահանջում են, որ կարծիք բանակը քաշել Անդրկովկասից: Նրանք ինձ չափ խելք ունենի հարկէ ու գիտեն, որ այդպիսի դէպքում՝ խօսքը պատկանելու է Թիւրքիային: Կիսուն, յայց չեն վախճում — պատճառ չունեն վախճուելու:

Ազրբայճական Ազրբէյջանի համար՝ թուրքական հեղեմներն Անդրկովկասում ամենից ցանկալի բանն է, ամենից հրապուրիչ հեռանկարը՝ Արաստանը՝ թուրքական հրաժարուելով Զարաթալից յօգուտ Ազրբէյջանի՝

ու Աջարիայից յօգուտ Թիւրքիայի, յայց միաժամանակ կըլուցնելով իր սահմանները Հայաստանի հաշիւն կարող է մի շատ կոկիկ պետութիւն կազմել եւ՝ շնորհիւ յաջող աշխարհագրական դիրքի, յենւած լեռներին ու ծովին, աղդայնօրէն ամբողջաբար իր մէջ՝ կարող է ապրիլ ու զարգանալ Թիւրքիայի կողքին, առանց սրան վնասելու կամ նեղելու, հետեւապէս՝ եւ առանց լրջօրէն վտանգուած լինելու:

Իսկ Հայաստանն կարելի է ստել նոյնը եւ Հայաստանի մասին, որ խրաժ է Աղբիւրի մասին ու Թիւրքիայի միջեւ, խանգարում է թէ՛ մեկին, թէ՛ միւսին եւ որ այնքան հեշտութեամբ կարող է վերացուել մեջտեղից...

Գիտնա ինչ է. այն օրը, երբ կարմիր թանկը հեռանայ Անդրկովկասից ու մենք մնանք մենակ (մենակ, որովհետեւ ուսմանը փոխարինող ոյժ ես չեմ տեսնում մեր հորիզոնների վրայ) թուրք-թաթար-վրացական բլթի հանդէպ — այն օր Հայաստանի գոյութիւնը վտանգուած կը լինի մեծապէս:

Ահա թէ ինչու ես ուզում եմ, որ Հայաստան պիտի լինի միջ-չեւիկների փեշից (այնքան ժամանակ, ի հարկէ, որքան մօլդեւիկները իշխում են Ռուսաստանում):

Բայց դու ասում ես, որ ներկայ դրութիւնը կարող է փոխուել հակառակ մեր ցանկութեան. մօլդեւիկների իշխանութիւնը կարող է խորտակուել Ռուսաստանում կամ մօլդեւիկները՝ ինչ-ինչ պատճառներով՝ կարող են լքել Անդրկովկասը:

Կարող է պատահել նաեւ այդ. ու մենք չենք, ի հարկէ, որ պիտի յաւերժացնենք մօլդեւիկների գոյութիւնը, որքան էլ ցանկանանք:

Բայց, կրկնում եմ. այդ դեպքում էլ դաշնակցութիւնը անկարող պիտի լինի ներկայացնել Հայաստանն ու փրկել դրութիւնը, Հարկաւոր կը լինեն ուրիշ մարդիկ — ուրիշ անունով, ուրիշ հոգեբանութիւնով, ուրիշ անցեալով (կամ առանց անցեալի):

—

Ներկարացնում եմ նամակս. յայց այնքան լաւ ունեւում ստելու... Կրում ես. «այդպէս չենք մտածել մենք Թիֆլիսում, Երեւանում, Չանգեղուրում ու նոյն իսկ Թաւրիզում»:

Այո, այդպէս չենք մտածել: Բայց մի՞թէ դա պատճառ է, որ այդ-

պէս չը մտածենք նաեւ այսօր՝ Պարիզում ու Բուքրէշտում: Մի էտ նախքան ու տես, թէ ինչ երկար ճամբայ ենք անցել, մինչեւ Թիֆլիսից Երեւան ենք եկել, Երեւանից՝ Չանգեղուր, Չանգեղուրից՝ Թաւրիզ ու Թաւրիզից... չը գիտեմ ուր հասել:

Այդ երկար ճամբան մի բան պիտի սովորացնէր մեզ, թէ ոչ:

Թեթեւամտութիւն կամ փոփոխամտութիւն է արդեօք՝ խրատուել, դասեր առնել անցեալից, ճանաչել իրականութիւնը ու ըստ այնմ վարուել: Եւ առաքինութիւն է, թէ ուրիշ բան՝ ասել, թէ այսօր իրաւունք չունենք այսպէս մտածելու, որովհետեւ Երեւանում կամ Չանգեղուրում այլ կերպ ենք մտածել...

Այդ ինչ անձեռնմխելի ու սրբազան արժէք է մեր «մտածած» ը, որ չի կարող վերադառնալու կամ տեղի տալ նոր մտածումների:

Բայց ոչն է այն «նորը» իմ մտածումների մէջ, որ այդ աստիճան վերդովեցրել է ձեզ. իսկապէս որ նա նոր է ու հակառակ հիշիւն:

Թերեւս ինքնախարեութիւն է սա, մտքի տկարութիւն կամ անգիտակցական կեղծիք. յայց ճշմարտութիւնն այն է, որ ես՝ իմ վերաբերմամբ ու ինձ համար՝ այդ «նորը», այդ «այլը» չեմ տեսնում: Ես ունեւում այն հաստատ ցիտակցութիւնը, թէ այսօր մտածում եմ — խօսքս հիմնական մտածումի մասին է — ճիշտ այնպէս, ինչպէս մտածել եմ 1920 թվականին, 18ին, 14ին ու իմ ամբողջ կեանքը: Այն հիմնական միտքը, որ ղեկավարել է ինձ երկար տարիներ ընթացքում, ղեկավարում է եւ այսօր: Ես չունեմ նոր պաշտամունք, չեմ կառուցել նոր կուռքեր, մնում եմ հաւատարիմ իմ դաւանած հին աստուածներին: Այն, որ «նոր» է թուում քեզ, ինձ համար նոյն «հինն» է, հինի շարունակութիւնն ու դարգացումը:

Ինձ արդարացնելու համար չէ, որ շարագրում եմ այս տողերը: Մեղք բան չէ, եւ ոչ էլ ամբթալի, եթէ մեկը՝ բարեխղճօրէն ու անկեղծօրէն վերաքննելով իր հաւատը՝ տեսնում է, որ սնահաւատութիւն է եղել այն, որ իր պաշտած աստուածները՝ անկենդան կուռքեր են եղել միայն ու դնում է երկրպագելու նոր աստուածներին:

Եթէ ինձ հետ պատահէր այդպիսի մի բան, ես իսկի չէի վախենայ կրօնախօսի անունից ու բացայայտօրէն կ'երթայի աղօթելու իմ նոր եկեղեցում: Բայց եկեղեցին չէ, որ ես փոխում եմ այսօր, այլ միայն քահանան ու ժամկոչը, որ եկեղեցու պարզ սպասաւորներ են եւ ուրիշ ոչինչ:

Ի՞նչ եմ ասում եմ:

Ասում եմ. Լ. Յ. Դաշնակցութիւնը այլ եւս անօր ու անպէտք գործիք է իր կեանքի դատը՝ հայ ժողովրդի քաղաքական աղատապրութեան գործը վարելու համար. նա պէտք է վերանայ ասպարեղց ու տեղ տայ հայ բոլորեկեաններին, որոնք միակ՝ ներկայ պայմանների մէջ՝ կարող են շարունակել նոյն գործը ու արդէն անում են այդ:

Այսպէս մտածելով ու այսպիսի առաջարկ անելով, դաւաճանում եմ ես ինձ, իմ անցեալը:

Ոչ, չեմ դաւաճանում: Դաւաճանում էք դո՛ւք, որովհետեւ գործիքը սիրում էք աւելի, քան գործը:

Ասուած հեռու պահէ ինձ այն մտքից, թէ դուք անում էք այդ գիտակցորէն: Ոչ իրաւունք ունեմ, ոչ էլ պատճառ — մի հեռաւոր կասկած անգամ ունենալու ձեր բարի ցանկութիւնների մասին: Բայց փաստը մնում է փաստ:

Փորձիր մոռանալ մի բոպէ, թէ այս խօսքերը՝ խնդրացած ծերուկի զառանցանքներ են (չէ՞ որ այդպիսի ենթադրութիւններով հարցերը չեն լուծուում, այլ միայն փակուում են բռնորէն) ու մի անգամ էլ մտածիր... Թերեւս տեսնես, որ իմ ասածը այնքան էլ հեռու չէ ճշմարտութիւնից:

Երիտասարդ ընկերներ, գիտէք որ յաճախ թւում է ինձ, թէ ձեր մէջ մենակ ես եմ մնացել երիտասարդ, իսկ դուք բոլորդ վաղաժամ ծերեր էք, ծերութեան sclérose-ը քարացրել է ձեր միտքը...

Հարցնում ես. «անկախ Հայաստանը ցնորը ու խելագարութիւն է արդեօք?»

Ոչ ցնորք, ոչ խելագարութիւն, այլ շատ առողջ, առաջադիմական, կենսունակ ու կենսատու գաղափար, մի հասունացած պահանջ, որ իրականանալու է անխուսափելիորէն ու արդէն իսկ իրականացած է խոշոր չափերով:

Բառերով չը խոսումք:

«Անկախութիւն» ասածը մի absolu չէ, որ սրտէք ունի միայն որոշ ձեւերի մէջ ու ամբողջական չափերով, իսկ դրանից դուրս՝ վերօ է: Եթէ պահանջներ absolu-ն, դա իրաւ որ ինչպէս արութիւն կը լինի:

Հայաստանը Անդրիա չէ, ոչ իսկ Զուլցերիա — չէ ու չի կարող լինել (այսօրուայ մեր մտքի համար մատչելի ապագայում). նրա անկախութիւնը անհրաժեշտորէն պայմանաւորած պիտի լինի որոշ սահմանափակումներով: Մեր գործն է՝ դնալ այդ ճամբով այնքան հեռու, որքան թոյլ են տալիս արտարին պայմաններն ու մեր սեփական կարողութեան չափը օգտագործել յոյժը հնարաւորութիւնները, ասպարեղ տալ յոյժը ոյժերին եւ՝ յամենայն դէպս՝ խոչնդոտ չը հանդիսանալ, եթէ մէկը գալիս է անելու այն, ինչ որ չենք կարողացել ու չենք կարողանում անել իրենքս: Բոլորեկեանները զրկեցին մեր հայրենիքը անկախութիւնից, նորից կապեցին Ռուսաստանի հետ...

Իրօք այդպէս է, թէ՛ հակասակը՝ կապելով մեզ Ռուսաստանի հետ, բոլորեկեանները ասպարեղեցին անկախութեան այն աստիճանն ու այն ճելը, որոնք միակ հնարին են այսօրուայ պայմանների մէջ ու դրանով իսկ փրկեցին ապագան:

Գրում ես. բոլորեկեանները «կատարում են ոչ թէ ազգահաւաքման, այլ ազգացրման աշխատանք»:

Ճիշտն ասած, ես չը դիտեմ, թէ ի՞նչ ազգացրման գործ են կատարել բոլորեկեանները, յացի այն, որ մեզ՝ մի քանի հարիւր դաշնակցականներիս՝ դուրս են ձգել հայրենիքից ու դռները փակել առաջներս. համաձայնիւր, սակայն, որ սա դեռ «ազգացրում» չէ:

Ճիշտ է, որ բոլորեկեանները չեն «հաւաքում» ազգը: Իսկ եթէ մենք մնացած լինէինք նրանց տեղը, կը հաւաքէինք: Հայաստանի սահմանների նեղութիւնը ու տնտեսական վիճակը թոյլ չեն տալիս ներգաղթ — ահա հիմնական արդեւքը «ազգահաւաքման» գործի համար:

Բոլորեկեանները չը կարողացան (ասելով՝ չը ցանկացան) ոչ սահմանները լայնացնել, ոչ էլ զգալիորէն բարելաւել երկրի տնտեսական վիճակը — այդ ճիշտ է:

Իսկ մենք կը կարողանայինք, մեր յոյժը ցանկութիւններով հանդերձ:

Բօլշևիկները եթէ չընդլայնացրին սահմանները, գոնէ պաշտպան կանգնեցին եղածին: Իսկ ինչ վերաբերում է տնտեսական վիճակին, իմ ունեցած հատ ու կտոր տեղեկութիւնները ցոյց են տալիս, որ դրութիւնը այսօր այնու ամենայնիւ մի քիչ պակաս վատ է, քան եղել է մեր ժամանակ:

Բօլշևիկների տնտեսական սխտեմը՝ մասնաւոր սեփականութեան իրաւունքի բացասումը՝ անվիճելիօրէն կործանարար է այսօրուայ Հայաստանի համար. եւ սա՛ կուսակցական դիկտատուրայի հետ միասին՝ ներկայ կացութեան սեւ երեսն է: Բայց չէ՞ որ դրա փոխարէն բօլշևիկները խաղաղեցրին երկիրը, ազատեցին աշխատաւոր ձեռները շինարարութեան համար... բայց սրա մասին գրել եմ արդէն:

Բօլշևիկեան սխտեմը չի կարող վերաշինել մեր աւեր երկիրը, ապահովել նրա տնտեսական զարգացումը:

Բայց սա պատճառ չէ, որ չընդունենք խորհրդային իշխանութեան կարեւորութիւնն ու օգտակարութիւնը, քանի որ կան ուրիշ վտանգներ, ուրիշ սպառնալիքներ, որոնք շատ աւելի մեծ են, քան սօցիալիստական կարգեր հաստատելու վաղաժամ ու անյաջող փորձերի վտանգը:

Արդէն երկու անգամ ընդհատել եմ նամակս ու երկու անգամ վերսկսել: Նկատում եմ, որ կրկնութիւնների մէջ եմ ընկնում: Բայց ի՞նչպէս անեմ, եթէ դու ինքդ մոռացութեան մէջ ես ընկնում ու կրկին վերագառնում արդէն ծեծւած հարցերին...

Շարունակում եմ:

«Պէտք է ողջունել այն երևոյթը — գրում ես դու, ու վերջապէս մեր կեանքումն էլ առաջ է դալիս քաղաքական լուրջ շերտաւորում, ստեղծում են տարբեր ուղղութիւններ:»

Եթէ յիշում ես, նոյն այդ պահանջը դնում էի ես, երբ Հ. Յ. Գաշնակցութիւնը միահեծան տէրն էր դրութեան, աշխատում էի համոզել կուսակցական յաղթանակներով արբածներին, թէ ո՞րքան վտանգաւոր բան է դա երկրի ու հենց իրան՝ կուսակցութեան համար:

Այո՛, շերտաւորումներ պէտք են: Բայց երկու պայմանով:

Առաջին. շերտաւորումները պէտք է ըլինեն կեանքի պահանջներից,

համապատասխան են իրական դրութեան, գան լրացնելու ո եւ է հասունացած ու լուրջ կարիք: Բօլշևիկեան շերտաւորումը կամ՝ աւելի ճիշտ՝ равнение фронта по большевизму — կենսական կարիք է այսօր ու պէտք է որ գոյութիւն ունենայ: Նոյնը չենք կարող ասել մեր մասին. Գաշնակցութիւնը (իբրեւ կազմակերպութիւն, լաւ հասկացիր խօսքս) անցեալի մնացորդ է, մի աւելորդ օրգան, որին կարիք չունի այլևս օրգանիդը: Այն կարիքը, որ մատնանիշ ես անում դու, իրական կարիք չէ, այլ սոսկ ենթադրութիւն: Իսկ մի քաղաքական կուսակցութիւն չի կարող արդարացնել իր գոյութիւնը ներկայում՝ ենթադրեալ ապագայում գործելու համար. երբ գործը գայ, հանդէս կը գան նաև գործողներ: Յետոյ՝ Գաշնակցութիւնը չի կարող լրացնել քո ենթադրած կարիքը, չի կարող ներկայացնել թուրքօֆիլական ուղղութիւն... բայց սրա մասին գրել եմ արդէն:

Նրկորդ. շերտաւորումը պէտք է լինի երկրի ներսը եւ ո՛չ երկրից դուրս: Դրսի ոյժերը, լաւագոյն գեպուճ, կարող են միայն օժանդակել, բայց ոչ երբեք՝ ղեկավարել երկրի գործերը: Դու ինքդ հակառակ ես դաղութային կուսակցութիւնների. միայն չես ուղղում տեսնել, որ ուրիշ ապագայ չունի Գաշնակցութիւնը, որ նա արդէն զաղութային է:

Այստեղ ես հանդիպում եմ մի շատ լուրջ դժուարութեան: Դու իրաւացիօրէն հարցնում ես ինձ. ի՞նչ «օրիկեփու տւեալներ» ունեմ ես պնդելու, թէ Գաշնակցութիւնը մեռած է երկրում: Ես կտրած եմ երկրից, տեղեկութիւն չունեմ, թէ ինչ է կատարում այնտեղ: Դու ասում ես, որ տեղեկութիւններ ունես, ունես նոյն իսկ... ամերիկացի Մ-ի վկայութիւնը:

«Ի դիպքը շատ աւելի ուժեղ է, քան իմը եւ իրաւունք է տալիս քեզ ասելու, որ ես ուղղում եմ «մեր հիւանդ էմիգրանտական ապրումները փաթաթել ժողովուրդի գլխին...»

Ճամբարտն եմ ասում քեզ, շատ լուրջ ուշադրութեան առնում եմ այս հանգամանքը եւ կրկին ու կրկին հարց եմ տալիս ինձ. չը լինի՞ թէ իրագ իմ մտածումները «վերացական սիլոգիզմներ» են միայն, իսկ կեանքը լուրջօրին տարբեր թելադրութիւններ է անում:

Որո՞նում եմ եւ ուղղում եմ գտնել իմ սխալը, բայց չեմ գտնում: Գիտե՞ս ինչ. ես չեմ՝ հաւատում՝ քո ունեցած տեղեկութիւն-

ներին, նրանց լըջութեանն ու օրիեկտիւութեաննը, իսկ Մ-ի վկայութիւնը համարում եմ միանգամայն անարժէք, ինչպէս անարժէք են բոլոր знатный кностраницների անպատասխանատու խօսքերը, վայրիվերոյ, պատահական տպագրութիւնները:

Ինչո՞ւ չեմ հաւատում:

Որովհետեւ այդ տեղեկութիւնները հակասում են իմ՝ զիտցածին ու տեսածին, հակասում են իրերի զրութեան ու տրամաբանութեան: Ես տեսել եմ մեր կուսակցութիւնը Հայաստանում, երբ մենք դեռ այնտեղ էինք. տեսել եմ մեր երկար ճամբին — Պարսկաստանում, Եգիպտոսում, Պոլսում, տեսնում եմ այստեղ, Բալքաններում, ներկայ եմ եղել ու հետեւել զանազան ժողովների, խօսակցութիւններու ունեցիլ անհատ ընկերների հետ, կարդում եմ մամուլը... եւ եզրակացութիւններս միշտ նոյնն են. կուսակցութիւն չկայ այլեւս: Կան միայն նախկին կադակերպութեան բեկորներ, որ ինքնուրույն ոյժով չարունակում են կրել զանազան անուններ ու իրար թղթեր գրել. բայց կեանք չկայ, որովհետեւ չկայ զործ, չկայ հաւատ ու ռզուլտատութիւն: Եւ ես չեմ զարմանում, որ այդպէս է, որովհետեւ տեսնում եմ ու հասկանում պատճառները:

Հակառակէն հաւատալու համար ես փաւտ պիտի ունենամ, դրական ու շջափիլի. քո ստացած տեղեկութիւնները համոզեցուցիչ չեն ինձ համար, որովհետեւ գիտեմ, թէ որքան անձեռնհաս են տեղեկատուները՝ իրականութիւնը ճշտօրէն ըմբռնելու եւ ճշտօրէն արձանագրելու համար:

Փաստերը — իսկական, անհերքելի փաստերը — բոլորովին այլ բան չեն ասում:

Հետեւ իր, վերլուծիք թէ ինչ փոխարարութիւններ են ստեղծւած դաշնակցական պատասխանատու ընկերների, մարմինների: ու խմբակների միջեւ եւ ապա աստ ինձ. այդ փոխարարած անվտանգութեան, անհաւանութեան, կասկածների ու մեղադրանքների միմուդէտում կարող է ապրել կուսակցութիւնը... Մի ասիր, թէ սա գաղութային երևույթ է միայն, — ո՛չ, երկրումն էլ նոյնն էր. այն օրւանից, երբ մենք իշխանութեան դրութիւն անցանք, կուսակցական միջոցառումները նաւորակեց:

Յիշիր, որ երկու տարի աշխատեցանք ու չկարողացանք դումարել՝

քեզ յայտնի պատճառներով՝ ընդհանուր ժողով, որին այնքան կարիք ունէր կուսակցութիւնը. այս անկարողութիւնն ու նրա պատճառները — ապացոյց են արդէն, որ կուսակցութիւն չկայ այլեւս:

Իսկ ամենից պերճախօս ապացոյցը գիտն՝ որն է. Խորհրդաժողովում ընդունւած բանաձեւերը: Մի միայն ոտի տակ հողը կորցրած կուսակցութիւնը կարող էր հանել այդպիսի անբովանդակ, հակասական, ունեւ չասող, ունեւ չը պարտադրող ու ամեն բան պարունակող որոշումների: Գործ ծրագրող ու գործի ընդունակ կուսակցութիւնը այդպիսի որոշումներ չէր հանի: Որոշումները ցոյց են տալիս, որ կուսակցութիւնը չէր գիտէ իր անելիքը, չուներ անելիք եւ զուր փորձեր է անում՝ բառային ֆորմուլների տակ քողարկել իր անկենդանութիւնը:

Այսօրւայ իրականութեան մեջ մի բան միայն կարող էր փրկել դաշնակցութիւնը, կռիւ բոլորակողմի դէմ, կռիւ անվերապահ, ամեն տեղ, ամեն միջոցներով, ամեն կարգի վէպերով... Բայց որովհետեւ դաշնակցութիւնը չի կարող — ու եթէ կարողանար էլ՝ չէր պիտի անէ այդ, նրան մնում է մի բան միայն, մեռնել:

Իսկ ասել. «նկատի առնելով որ... ու ապա նկատի առնելով... բայց որովհետեւ... ու քանի որ... ուստի ո՛չ այս, ո՛չ այն... կամ՝ եւ այս, եւ այն... այսպիսի բանաձեւերով կուսակցութիւնները չեն ապրում»:

Սա նոյնպէս «դամբանական» է, միայն թէ զուրկ չիտակութիւնից ու տղամարդութիւնից:

Գրում ես. Խորհրդաժողովը իրաւունք չունի լուծելու կուսակցութիւնը... ի հարկէ, չունի: Բայց չէ՞ որ ես նկատի եմ առել այդ կարևոր հանգամանքը ու ղեկուցագիրս վերջացրել եմ այնպիսի առաջարկներով, որոնք Խորհրդաժողովի իրաւասութեան սահմաններից դուրս չեն գալիս... Չեմ ուզում կրկնել: Կարգա ղեկուցագրիս վերջն էջերը, եթէ հետաքրքրուում ես:

Գրում ես.

«Չեմ հերքում — կարող է գալ մի ժամանակ, երբ աշխարհը խաղաղի եւ մի առ ժամանակի համար մեր հարցն էլ փակւի, այդ դէպ»:

քում դուք եւ անհրաժեշտ լինի հետեւել քո բռնած ծանապարհին, իսկ այսօր դեռ շուտ է»

Կիտնս որ այս մի քանի տողով դու արդէն թափեցիր զէնքերդ ու անձնատուր եղար...

Աշխարհը դեռ չի խաղաղել (ու երբեք էլ չի խաղաղի), բայց «մի առ ժամանակի համար մեր հարցը» փակած է ու մեր օրը եկել է արդէն — ահա իրականութիւնը:

Գրում ես.

«Ես կ'ուզեի, որ զեկուցումդ շուտ մոռացներ, եթէ կարելի չէր եղել նրա ընթացման առաջն առնել: Եւ միանգամայն աւելորդ ու փաստակար եմ համարում, որ այդ հարցը դարձի դիսկուսիայի առարկայ...»

Ինչու այդպէս, ո՞ւմ են պետք այդ վերջուձիւնները, ո՞ւմ համար է այդ մտքի *didéle*...

Ինչու «աւելորդ ու փաստակար» կը լինէր, եթէ կուսակցական շարքերը ծանօթանային իմ զեկուցման հետ: Այդ որ օրւանից Դաշնակցութիւնը դառել է այդքան մտավախ: Ինչի՞ համար փակում էք մի ընկերոջ բերանը եւ միւս ընկերների ականջները...

Եթէ իմ ասածները՝ *ad hominem* շարժառիթների արդիւնք են, կամ հիւանդ ուղեղի զառանցանք, կամ վերացական սիլլօգիզմների, զուրկ կենսական հիմնաւորումներից — թողէք որ ընկերները տեսնեն այդ: Իսկ եթէ ընկերները այնքան միամիտ ու կարճատես են, որ թերեւս չը տեսնեն իմ սիւտը — դու հօ այդտեղ ես, դու հօ կարող ես բանալ աչքերը, ցոյց տալ ճամարտութիւնը...

Դա ոչ միայն չէր լինի «աւելորդ ու փաստակար», այլ՝ ընդհակառակը՝ կը լինէր շատ կարեւոր ու շատ օգտակար գործ:

Կարող ես ասել, որ միայն ես եմ ենթակայ «էմիգրանտական հիւանդ ապրումների» ու բացի ինձանից ուրիշ հիւանդներ չկան կուսակցութեան մէջ: Եւ եթէ ես անբուժելի եմ, կարող ես ասել, իրաւունք ունիս ասելու, թէ Նոյնքան անբուժելի են եւ միւս հիւանդները կամ կէս-հիւանդները... Ինչ լաւ առիթ ու միջոց էր՝ սթափեցնելու վարակածներին եւ *предохранительную прививку* անելու առողջներին (համաճարակի առաջն առնելու համար):

Ինչու չօգտագործեցիք առիթն ու միջոցը:

Միանգամայն լուրջ եմ ասում. դու եւ քեզ պէս մտածողները ոչ միայն չը պիտի գնեիք պապանձման կնիք իմ խեղճ զեկուցագրի վրայ, այլ ինքներդ պիտի կոխեիք այն ամէն մի դաշնակցականի աչքը, զօռով ստիպեիք կարգաւ, ասեիք. տեսէք թէ ո՞ւր է հասել ձեր աւագ ընկերներից մէկը...

Սա կը ցնցէր կուսակցութիւնը, բողոք ու զայրոյթ առաջ կը բերէր, կ'արթնացնէր թմրածներին, աշխատանքի կը կանչէր ծոյլերին ու անփոյթներին, եռանդ կը ներշնչէր, կը ստիպէր սեղմել շարքերը, ամրացնել — մի խօսքով՝ զօրեղ հակաթոյն կը լինէր քայքայման թոյնի դէմ, շարժման մէջ կը դնէր բոլոր կենսական *potencia*-ները (եթէ սրանք դեռ եւս կան կուսակցութեան մէջ):

Դուք այդ շարիք:

Ինչու:

Որովհետեւ վախկոտներ էք, սիրելի NN, վախկոտներ:

Դուք աշխատում էք խիստ ցենզուրայի տակ առնել որոնող մտքերը, կողպեքներ գնել բերանների վրայ, թաքցնել ասւած խօսքերը, որովհետեւ վստահութիւն չունէք ձեզ վրայ:

Սախն ու կասկածը բոյն են զրել ձեր իսկ սրտերի մէջ:

Եթէ դու իրօք համոզւած լինելի, թէ կուսակցութիւնը կենսունակ է, երբեք փաստակար չը պիտի համարէիր իմ զեկուցումը, չը պիտի դժգոհէիր որ նա կարդացել է Խորհրդաժողովում ու չը պիտի ցանկանայիր որ մոռացի, որքան կարելի է շուտ:

Հիմա լսիր, թէ նս ինչ եմ ասում:

Ես իմ՝ պարտքը համարեցի գրել այն զեկուցումը — հոգուս պարտքը հանդէպ հայ դատի ու իմ կուսակցութեան: Մեծ մեղք արած կը լինէի, եթէ չը գրէի Պարտք համարեցի ներկայացնել զեկուցագիրս կուսակցութեան գերագոյն մարմնին՝ Խորհրդաժողովին (քանի որ ընդհանուր ժողով անկարելի եղաւ գումարել) ու սպասել նրա որոշումներին: Որոշումը տեղի ունեցաւ. փակիր՝ բերանդ, լռիր:

Լուծւեցաւ սրանով խնդիրը:

Ինձ համար՝ ոչ:

Այժմ մի ուրիշ պարտք ունեմ կատարելու, այն է՝ հակառակ Խորհրդաժողովի հրամանին լսելի անել իմ ծայնը:

դիտի աշխատեմ կատարել այդ պարտքը, ինչպէս ու որքան կարողանամ:

Յամատութիւն մի համարէք, որ այսօր ես ըմբոստանում եմ ձեր դէմ: Իսկապէս, շատ ծանր է ինձ համար, որ դուք զանազան մեկնուած թիւներ էք տւել (հաւանականօրէն՝ ապագայում էլ աւելի պիտի տար) իմ բռնած ընթացքին: Չէք ամաչում...

Երբ ես լսում եմ շուրջս ղանալան ad hominem բացառութիւններ թէ ինչո՞ւ այս մէկը այն արու ու այն միւսը այն չարաւ (գիտես, որ այդպիսի զրոյցներ պակաս չեն), վրդովում եմ ամբողջ հոգով, սարսափում թէ՛ ինչպէս ապրել մի մթնոլորտի մէջ, ուր չի մնացել ոչ փոխադարձ հաւատ, ոչ փոխադարձ յարգանք...

Յամենայն դէպս, սիրելի NN, ես ուզում եմ մնալ իմ այն «հին հաւատին», թէ՛ անկախ ու նոյն իսկ հակառակ մարդկային բոլոր կարգի թուլութիւնների՝ կայ նաեւ մի բան — մի սրբութիւն — որ վեր է այդ թուլութիւններից ու կարող է ղեկավարել մարդու միտքն ու գործելը. եւ թէ ոչ արդարութիւն է, ոչ էլ իմաստութիւն՝ մարդու ամէն մի քայլի մէջ որոնել թարցրած, քողարկած կամ կեղծած շարժառիթներ, յետին մտքեր:

Համայրներով՝

ԲՈ

ՅՈՎ. ԲԱԲԱԶՆՈՒՆԻ

ԲՈՒՔՐԵՇՄ, 17 Յունիսի 1923: